

Lukat—Labing Maayong Gasa sa Diyos (Bahin 1)

Gibase sa kapitulo 5 sa librong *Unsay Tinuod nga Gitudlo sa Bibliya?* nga anaa sa jw.org/ceb.

TUMONG: Susiha kon unsay imong gituohan ug kon nganong nagtuo ka niana, sayra ang gitudlo sa Bibliya, ug tun-i kon unsaon nimo pagpatin-aw sa imong pagtuo ngadto sa uban.



NGANONG SI JESUS NAMATAY ALANG KANATO?

1 SUSIHA ANG IMONG PAGTUO

Sa imong hunahuna, unsa kahay ikasulti sa uban?

Unsay *imong* gituohan?

Nganong nagtuo ka niana?

Gihatag sa Diyos ang lukat aron sa pagsulbad sa tanang problema nga gipahinabo sa unang tawo nga si Adan.


(Tan-awa ang kapitulo 5 sa librong *Gitudlo sa Bibliya*, parapo 1-8.)

Basaha ang Genesis 2:16, 17; 3:17-19.

Nganong si Adan namatay?

Basaha ang Roma 5:12.

Si Adan ra ang nakasala, pero nganong naangin man ang iyang mga kaliwat?



Ang hugaw sa dokumento makopya diha sa tanang kopya niini dihang kini ipaseroks. Sa samang paagi, ang sala ni Adan iyang napasa sa tanan niyang kaliwat mao nga natawo usab sila nga dili hingpit

Ang lukat—nga pinaagi niini kita maluwas—maoy pagpakita sa dili takos nga kalulot o kaayo sa Diyos.

(Tan-awa ang kapitulo 5 sa librong *Gitudlo sa Bibliya*, parapo 9-13.)

Basaha ang Roma 5:19 ug 1 Corinto 15:21, 22.

Pinaagi sa pagbuhat sa kabubut-on sa Diyos alang kaniya ug sa paghalad sa iyang kinabuhi, unsay nahimo ni Jesus alang sa mga tawong matinumanon?

Basaha ang Roma 3:23, 24 ug 1 Juan 4:9, 10.

Ang kaluwasan ba pinaagi sa lukat mahimong *hagoan* sa tawo? Ipatin-aw.

Unsay nakapatandog kanimo bahin sa tagana sa Diyos nga lukat?

3

IPATIN-AW ANG IMONG PAGTUO

KON DUNAY MOINGON . . .

Pagbuot sa Diyos nga ang tawo mamatay.

MAHIMO KANG MOTUBAG . . .

Daghan ang nagtuo niana. Pero para nako, dili pagbuot sa Diyos nga kita mamatay kay . . .

Unsang teksto ang puwede nimong ipabasa?

Base sa gituohan sa imong kaestorya, unsaon nimo pagpatin-aw ang maong teksto?

KON DUNAY MOINGON . . .

Kamong mga Saksi ni Jehova nagtuo nga kamo maluwas pinaagi sa inyong pagsangyaw.

MAHIMO KANG MOTUBAG . . .

Kami nagtuo nga importante kaayo ang among pagsangyaw. Pero kami *wala* magtuo nga pinaagi sa among paghago maluwas kami kay . . .

Unsang teksto ang puwede nimong ipabasa?

Base sa gituohan sa imong kaestorya, unsaon nimo pagpatin-aw ang maong teksto?
